



# Iluja roahkkat- vuoda Vuoiŋŋa

Hellodaga mii ávvudit ovttas buot kristtalaččai-  
guin Bassi Vuoiŋŋa golggaheami. Hellodat lea  
kirku riegádanbeaivi. Das lea dehalaš cealkámuš  
midjiide otné.

Kristtalažžan mii leat juohkeláhkai gitta Bassi Vuoigŋas. Son lea golmmaoktasaš Ipmila ealli persovdna, gii hállá midjiide bassi Bippalis. Mii bálvalit su ovttas Áhčiin ja Bártniin. Son rohkadallá min bealis Áhči dallege, go eat ieža máhte dahje veaje (Room. 8:26). Almmá su haga ii leat beasti osku, ii bálvaledji ráhkesvuohta iige kristtalaš kirku. Vuollegaš rohkos "sádde midjiide Bassi Vuoigŋat" lea kirku váimmujietna álo ja juohke sajis.

Hellodaga Vuoigŋa lea ilu ja roahkkatvuođa vuoigŋa. Bassi Vuoigŋa buktá Ipmila buorre vuođa ja Kristusa ráhkesvuođa min gaskavuhtii. Son lea *Eallin dahkki*, mii bohciidahtta mis vuoigŋalaš áibbašeami, riegádahtta oskku ja doalvu Kristusa lusa. Namas mielde Bassi Vuoigŋa lea *Basuheaddji*, mii dahká suddolaš olbmui bassi olbmuid. *Duohtavuođa vuoigŋan* dat oahpaha guldalit Ipmila sáni, áddet dan ja bissut das. Gillámušas ja morrašis dat lahkona min *Jeddejeaddjin*. Átestusas ja váinnuin son lea *Bealušteaddji*.

Hellodaga golggahuvvon Vuoigŋa attii apoastaliidda roahkkatvuođa "lávket oidnosii" ja cealkigoahtit buorre sáni buot gielaiguin buot álbmogiidda. Bassi Vuoigŋa lavttii vuosttas kristtalaččaid ja čohkkii sin sáni ja sakrameantaid oktavuh-tii. Oaččodettiin Vuoigŋa attáldaga kristtalaččat "guldaledje ja bisso oskkáldasat apoastaliid oahpahas, elle searvevuođas, dodje ovttas láibbi ja rohkadalle" (Ap. t. 2:42).

Maiddáí otne Bassi Vuoigŋa addá kirkui mánggalágan árpmuattáldagaid dahjege karismmaid. Kirku lea nugo "eadni, gii Ipmila sániin riegádahtta juohke kristtalačča ja guoddá su" (Stuorra kátkkesmus). Gásttas Vuoigŋa riegádahtta min ođđasit ja laktá Kristusii. Eahkedaččain son nanne oskkumet ja ráhkesvuođamet. Danin evangeliuma cealki ja bassi sakrameantaid juohkki kirku lea karismáhtalaš servodat.

Bassi Vuoigŋa váikkuhusat oidnojit eallima siste. Vuoigŋa šattut leat "ráhkesvuohta, illu, ráffi, guhkesmielalašvuohta, ustitlašvuohta, buorre vuohta, oskkáldasvuohta, vuollegaš-

vuolta ja mearálašvuolta” (Gal. 5:22). Apoastal Bávlos muituhii erenomážit dan árpmuattáldagas, mii lea stuorámus, muhto mii dávjá badjelgehččo árgabeaivásažžan: ”Stuorámus dain lea ráhkesvuolta” (1. Kor. 13:13).

Karismáhtalašvuodain dárkkuhuvvo maiddái vásáhuslaš kristtalašvuolta. Dasa sáhttet gullat ovdamearkan buorráneamit, lihkahusat, profehtastallan ja gielaiguin hállan. Dákkár kristtalašvuolta lea searvegoddámet eallima oassi.

Bassi Vuoiŋŋa riegádahttán vásáhuslašvuhtii sáhttet čatnasit maiddái olbmo iežas figgamušat. Bávlos gárttai Korintis láidestit vásáhusaid friija govdama dearvvas vuoiŋŋalašvuoda guvlui. Searvegotti olbmuid juohkki, eahpeortnega dagaheaddji ja árgabeaivválaš árpmuattáldagaid badjelgeahčči karismáhtalašvuolta ii hukse kirku. Rivttes geavahusas vuoiŋŋalaš attáldagat ráhkadit searvevuoda ja čiekŋudit Kristusii vuodđuduvvan oskku.

Kirku osku ja ovttaskas kristtalačča vásáhus dárbbaišit ja dorjot nuppiid. Almmá vásáhusa haga osku manaha movtta ja lea váras gáržut. Almmá ”dearvvas oahpu” haga (2. Tim. 4:3) vásáhus luovvana kirku oktasaš oskkus ja lea váras mannat boastto oktagaslašvuhtii. Kirkus buot galgá dutkat ja árvvoštallat lpmila bassi sáni čuovggas.

Bávlos hálidii searvegotti diehtit Vuoiŋŋa buot attáldagain. Goittotge son ávžžuhii ohcat buot divraseamos árpmuattáldagaid searvegotti huksemii. Danin miige illudit árpmuattáldagain, mat ealáskahttet rohkosa, nannejit čatnaseami ja riegádahttet vuollegaš rámiideami vástádussan lpmila ráhkesvuhtii. Buot dáid ”duddjo okta ja seammá Vuoiŋŋa, guhte juohká attáldagaidis juohkehažžii, dáhtus mielde” (1. Kor. 12:11).

Sáni ja sakrameanttaid bokte Bassi Vuoiŋŋa šaddada ilu, ráfi ja ráhkesvuoda. Son buktá lpmila árpmu min lusa.

Hellodaga rohkadallat, ahte ilu ja roahkkatvuoda Vuoigna  
sivndividčče kirkumet buriid attáldagaiguin.

*Boađe, Bassi Vuoigna,  
ja sádde almmálaš čuovgasat midjiide.  
Boađe, gefiid Áhčči.*

*Boađe, attáldagaid addi/Boađe,  
váimmuid čuovggas,  
don áđamus jedđejeaddji,  
sieluid njuoras guossi ja liekkas.*

*Barggus don leat vuoijjastus,  
báhkkan jáldu,  
morrašis jeddehus.*

*Don imašlaš čuovggas,  
deavdde oskkáldasaidat váimmuid.  
Du haga, Vuoigna,  
ii mihkkige leat olbmos buhtis.*

*Basa dan mii lea duolvvas,  
látkat dan mii lea goikkis,  
buorit dan mii lea hávvádahtton.  
Cuvke dan mii lea garas,  
ligge dan mii lea galmmas*

*Oza sin geat leat čádjidan.  
Atte oskkolaččaidasat,  
geat luhttet dutnje,  
bassi attáldagaidat.  
Nanusmahte oskku,  
atte ávdugas loahpa,  
atte agálaš ilu.*

Suoma evangelalaš-luteralaš kirku bisppat

Jukka Paarma

Eero Huovinen

Voitto Huotari

Wille Riekkinen

Juha Pihkala

Samuel Salmi

Mikko Heikka

Simo Peura

Kari Mäkinen

Gustav Björkstrand